



Broj: 05/1-50-13-915-3-3/18

Sarajevo, 11. 4. 2018.

ZAPISNIK

3. hitne sjednice Nezavisnog odbora Parlamentarne skupštine BiH

Sjednica je održana 11. 4. 2018, s početkom u 18 sati.

Sjednicu je sazvala Tatjana Klječanin-Martić, predsjednica Nezavisnog odbora.

PRISUTNI ČLANOVI NEZAVISNOG ODBORA: Tatjana Klječanin-Martić, predsjednica Nezavisnog odbora, Enes Obralijski, prvi zamjenik predsjednice Nezavisnog odbora, Ilma Mehić-Jusufović, Nikola Džambas, Mate Miletić, Ljubomir Kuravica i Vladimir Jurišić, članovi Nezavisnog odbora.

OPRAVDANO ODSUTNI ČLANOVI NEZAVISNOG ODBORA: Mato Jozić, drugi zamjenik predsjednice Nezavisnog odbora, i Adisa Begić, članica Nezavisnog odbora.

OSTALI PRISUTNI: Ivana Lovrić, koja obavlja poslove sekretara Nezavisnog odbora.

Sjednicu su pratili i Zoran Brkić iz Sektora za odnose s javnošću Sekretarijata Parlamentarne skupštine BiH te Dijana Šatara, predstavnik OHR-a.

Sjednicom je predsjedavala Tatjana Klječanin-Martić, predsjednica Nezavisnog odbora.

Konstatirajući da postoji kvorum za rad, otvorila je 3. hitnu sjednicu Nezavisnog odbora Parlamentarne skupštine BiH.

Nezavisni odbor jednoglasno je usvojio sljedeći

DNEVNI RED

1. Lični zahtjev za razrješenje dužnosti Uroša Pene, zamjenika direktora Direkcije za koordinaciju policijskih tijela BiH, broj: 20-07-34-2-738-2/18 od 6. 4. 2018, a zaprimljeno u Pisarnici Parlamentarne skupštine BiH 10. 4. 2018, broj: 05/1-34-1-916/18.

Ad. 1. Lični zahtjev za razrješenje dužnosti Uroša Pene, zamjenika direktora Direkcije za koordinaciju policijskih tijela BiH, broj: 20-07-34-2-738-2/18 od 6. 4. 2018, a zaprimljeno u Pisarnici Parlamentarne skupštine BiH 10. 4. 2018, broj: 05/1-34-1-916/18

U uvodu u ovu tačku dnevnog reda predsjednica Nezavisnog odbora Tatjana Klječanin-Martić istakla je da je razlog za sazivanje hitne sjednice Nezavisnog odbora razmatranje zahtjeva koji je Nezavisnom odboru na daljnju nadležnost i postupanje, upućen u skladu s odredbama člana 7. stav (5) i stav (6) tačka a) Zakona o Direkciji za koordinaciju policijskih tijela i o agencijama za podršku policijskoj strukturi Bosne i Hercegovine i člana 62. stav (1) tačka a) Zakona o policijskim službenicima Bosne i Hercegovine, te otvorila raspravu.

Nakon rasprave, u kojoj su učestvovali svi prisutni članovi Nezavisnog odbora, jednoglasno je donesen **zaključak** da se lični zahtjev za razrješenje dužnosti zamjenika direktora Direkcije za koordinaciju policijskih tijela BiH Uroša Pene proslijedi Vijeću ministara BiH, uz napomenu da uz zahtjev nije dostavljena relevantna dokumentacija o ispunjavanju uslova za odlazak u penziju u skladu s odredbama člana 119. stav (1) tačka 3. Zakona o policijskim službenicima BiH.

Također, odlučeno je da se predmetni zaključak dostavi i Ministarstvu sigurnosti BiH i Direkciji za koordinaciju policijskih tijela BiH.

Predsjednica Nezavisnog odbora Tatjana Klječanin-Martić zaključila je sjednicu u 20.10 sati.

SEKRETARKA
NEZAVISNOG ODBORA

Ivana Lovrić

PREDSJEDNICA
NEZAVISNOG ODBORA

Tatjana Klječanin-Martić